



А. К О Н О Н О В

СОКОЛЬНИКИЫН ЁЛКА

КОМИ КНИЖНОЙ ИЗДАТЕЛЬСТВО

1954

А. КОНОНОВ

**СОКОЛЬНИКИН
ЁЛКА**

КОМИ КНИЖНОЙ ИЗДАТЕЛЬСТВО
Сыктывкар 1954



Обложка худ. М. Безносова

Редактор К. Туркин.

Техн. редактор П. Коданев.

Ц04139. Тираж 3000 экз. Заказ № 1725. Бумага $70 \times 92 \frac{1}{16} = 0,38$ бум. лист. 0,75 печ. л.
Уч.-изд. лист. 0,83. Сдано в набор 1/VI-54 г. Подписано к печати 17/VI-54 г.
Цена 40 коп.

г. Сыктывкар, Республиканская типография Полиграфиздата Министерства
культуры Коми АССР.



Ёлкала ветлыны оз вöлі ков ылö. Тані жö, Сокольникиын, бöрйисны мичаджык, пашкырджык пу, кералісны да вайисны вöрса школаö.

Челядь аддзылісны, кыдзи крепитісны ёлкасö крестөн тувъялöм кык пöвйö, медым зумыдджыка сулаліс джоджын. Сэсса монтёр Володя вайис провод ёлкасö югдöдны, да ^{петроградск}лапъяс вылас ^{челюсть}öшöдаліс ^{мод}электрической лампочкаяс.

Мöд луннас пöшти асывсяньыс кутісны виччысьны Владимир Ильич Ленинöс. Ывлаын вöлі югыд на, а челядь пыр юасисны школьной завхозлысь:

— А мый, Лениныс кө оз лок?

— А бара кө турöб лоö, Лениныс всё-таки локтас али оз?

Завхозыс вöлі петроградской пöрысь

рабочой. Ленинос сійо тӧдлӧма ещӧ революцияӧдз на. Та вӧсна и юасисны именнӧ сылысь. И сійо увереннӧя ӧтвечайтис:

— Ильич кӧ шуис, мый локтас, сідзкӧ локтас.

Воис рыт. Турӧб и збыльысь лыбис. Пожӧмъяс пӧвстын кутис шутылявны тӧв, еджыд змей моз му вывтӧ мӧдіс гартчыны-бергавны кос лым. А сэсся небесасянь пондіс усьны паськыд коръя лым.

Ёлкасӧ вӧлі вӧччӧдӧма нин. Став чачаяссӧ челядь вӧчалісны асьныс. Вӧліны тані и ошъяс, и кӧчъяс, и слӧнъяс. А медмича вӧлі банйӧм чужӧма, еджыд тошка дед Мороз.

Кадыс муніс, а Ленин век на эз во.

И сэки челядь кылісны, кызди гырысьяс пиысь кодкӧ шуис ньӧжйӧникӧн:

— Но, татшӧм турӧб дырйи, дерт, оз во. Челядь бара котӧртисны пӧрысь завхоз дінӧ. Завхоз стрӧга шуис:

— Энӧ дӧзмӧдчӧй! Висьтала: сійо кӧ шуис, мый локтас, сідзкӧ локтас.

Бара кутисны виччысьны. Ывлаын шутылялӧ тӧв, кос лым гораа сяркӧдӧ ӧшинь стек-



лөясö. Сідзи тайö шум пырыс эз и кывлыны, кызди школа дорö воис машина. Машинаыс петіс Владимир Ильич.

Сійö кайис пос кузя, пөрччысис, носöви-көн чышкис чужöмсö, коді кöтасьöма сылөм лымнас. И пыр жö муніс ыджыд комнатаö, челядь дінö.

Найö пыр жö тöдісны сійös: кымынысь найö аддзылісны Ленинлысь портретсö! Но первойсö мыйлакö шöйöвошліны — сулалісны места вывсьыныс вөрзёдчытөг. Видзöдісны Ленин вылö да чөв олісны.

Владимир Ильич эз кут дыр виччысьны. Сійö мудера читкыртіс синъяссö да юаліс:

— А коді тіян пиысь кужö ворсны шырөн-каньөн?

Первойөн вочавидзис медыджыд нывка, Вера:

— Ме!

— И ме! — гораа горöдіс детинка Лёша.

— Но, сідзкө тэ и лоан каньөн, — шуис Владимир Ильич.

Челядь сувталісны кругö. А ёлкаыс шöрас. Шырөн вöлі ичөтик Катя. Лёша уськөдчис



Катя бөрся — сійӧс кокни вӧлі кутны. Но Катя кутчысис Ленин бердӧ. И Владимир Ильич вылӧ лэптис сійӧс кияс вылас:

— Оз судз кань шырӧс!

Сэсся шырӧн вӧлі Сеня. Лёша кутис сійӧс да лои шырӧн. А Сеня — каньӧн.

Ворсисны дыр, и ставныслы лои жар.

Сэки воссис ӧдзӧс, и комнатаӧ пырис ыджыд руд слӧн. Челядь ставныс чирӧстисны. Збыльысь, на пиысь унаӧн пыр жӧ тӧдисны школьнӧй рояльвывса тӧдса руд чехолсӧ. Но кодӧ чехол улас? Чехол надзӧник катласис, водзладорас вӧрис кузь хобот; слӧнлӧн водз кокъясыс вӧліны валегиаӧсь, а бӧр кокъясыс — ботинкиаӧсь. Он кӧ придирайтчы, тайӧ вӧлі пӧшти дзик настӧящӧй слӧн кодъ. Руксигтыр слӧн кытшовтис ёлка гӧгӧр, прӧщайт-чигас ӧвтыштис хоботнас и катласигтыр бӧр мӧдӧдчис ӧдзӧслань. А ӧдзӧс сайын чехол улысь петисны монтер Володя да школьнӧй стӧрӧж; кыкнанныс вӧліны мастерӧсь быд-сяматор вылас. Петисны найӧ чехол улысь да бӧр пырисны комнатаӧ. А сәні сералисны радлысь челядь.

Уна гажаторъяс на вöліны тайö рытас.

Кодкö челядь пиысь горöдіс:

— Öні гораньöн! Гораньöн!

Владимир Ильич перйис чышъян, кöрталіс
ассыыс синъяссö.

Монтёр Володя тэрыба вештіс ёлкасö дзик
пельöсöдзыс, и комнатаын тыртöм местаыс
лои ыджыд.

Ленин паськөдіс кияссö да кок чунь йылас
мөдөдчис водзö.

Челядь котöртісны коді кытчö.

Сэсса гусьöникөн кутісны матыстчыны
Владимир Ильичлань да горзыны:

— Жар!

А кор Владимир Ильич вöлі дзик нин
матын, челядь горзісны сылы:

— Сотчан!

А то ляпкөдчасны дзик Ленин ки улö —
сійö оз и инмөдчыв, прöйдитас дінтіныс.

Сэки найö заводитöны горзыны:

— Көдзыд, кынман!

Ленин аддзис, мый став челядьыс зэв ви-
зулөсь, ворсöны пелька и, тыдалö, сылы дыр
ковмас ветлөдлыны кöрталөм синъясөн.

Сэки сійö вöчис сідзи, быттьöкö мунö водзö, а ачыс друг бергöдчис места вылас да кватитіс первойя сюрсысьсö, коді вöлі сы бөрвылын.

Челядь кутісны горзыны, кыдзи пöлагайтчыліс:

— Тöдмав, тöдмав!

А сійö, кодöс кутіс Ленин, сераліс да зіліс мынтöдчыны. Тайö вöлі детинка Сеня.

Владимир Ильич малыштіс сылысь юрси-сö, чуньяснас видліс сылысь плешсö, банбокъяссö:

— Сеня!

Сенялы вöлі и жаль, мый сійöтадзи сюри, и долыд, мый Ленин сійöс тöдіс.

Сэсся ичöтик Катя лыддис Пушкинлысь стихъяс, но торксис да бөрддзис.

Ленин мöдіс бурöдны сійöс.

Катя дугдіс бөрднысö, ичöтик чышъянөн чышкис синвасö да шуис:

— Ленин, а тэ эн мун миян дінысь! Тадзи и ов тані.

Ленин серöктіс:

— Да ме и сідзи неылын ола.



Сэсся ставныс кутісны котравны ёлка гөгөр. Ичөтик Катя котөртіс Владимир Ильичкөд орччөн. Сійө кутіс Катяөс киөдыс. Ленинлөн киыс вөлі ыджыд, шоныд. Тайө кадас Надежда Константиновна Крупская да Мария Ильинична, Владимир Ильичлөн чойыс, пыртісны комнатаө пөдаркияс тыра ыджыд көрзина. Тайө пөдаркияссө челядьлы вайөма Ленин.

Кодлы сюри автомобиль, кодлы труба, кодлы барабан. Катя пөлучитіс акань.

А Ленин кызкө төдлытөг петіс комнатаысь да муніс.

Вот кутшөм вөлі ёлка Москва бердын, Сокольникиын, 1919 воө.



40 көп.

